

ماريونيت

جيهان ظاها

يمين يمين شمال شمال
عايشة وهو ده الحال
روحي في مكان وأنا في مكان
بتنفس عادي ما أنا انسان
الآهة ساكنة وساكته جوة مني
والكلمة تايهة سارحة بتشاغلني
والحرف هارب ضايح
وأنا بحارب بصارع
كل اللي فيا ..كل اللي ليا
بقولها آه والمليون لأهربوا
بطلق وحوش رفضي آلاقيهم استخبوا
واستحبوا وداعة القطط
والنظام كما الحروف ومن فوقها النقط
علي الصراط المستقيم مشيت
الخطوة ثابتة ولا اتهزيت
الحاضر والنعم طالعة مني كما النغم
والحاصل من جوة جوايا ألف لغم ولغم

من الرجال غيره ما رأيت
قولت أيوة ودلوقتي بقول ياريت
الصرخة فيا محبوسة متكتفة
وكياني من اللآت اكتفي
وكتير بقول خلاص هثور
خلاص هكون فاعل ومش مفعول
هكسر قيودي هتغير
وكل أما أفكه يضيق أكثر
ويخنق روح روحي ويقتل
زي ما يكون الرفض معناه أقبل
وارجع واكشر علي نيابي
وأمسك في بقي ديل جلبابي
وأقول هطير ومش هقول أنا ست
وهقطع بايدي خيوط الماريونيت